

مرسال لحبيبتى

أشرف توفيق



# إهداء

للبنات الهاديه الراضيه  
الطالعه من الشبان  
وابديها بتسند في خدودها  
وبتسنتاني  
بتفتش عينها في طول الشارع  
وف عرشته...  
حاسس ناخيري يا روح قلبي  
لكن معلى...  
... جاي لك بعرشه



## أقول لك شعر؟

## أَقُولُ لَكَ شَعْرًا؟

"أَقُولُ لَكَ شَعْرًا؟"

سؤال قلته بملل ليها وأنا مخنوق..

وصاحبي ويا صاحبها قريب متنا قاعدين..

في رحلة شوق..

عينيه في عينيها مش دارين بكل الناس..

عيونهم ملايين إحساس..

وحتى الرمش مايرمش، خايف لو تضيع نظره..

ونظرهم تساوي كثير... ماهيش نظرة عيون وخلاص..

عيونه مركب اتطوح في بحر عينيها بيعافر..

وحالف إنه راح يوصل.. ولو طول الحياه سافر..

---

وبحر عينيها - من حظي - مالوش مَرَسَى .. مالوش آخر ..

واقرب منها تتأخر ..

ومش عارف أنا اعمل إيه !!!

دا انا بالصدفه جاي وياه .. وهيه معاها بالصدفه ..

وانا واقف وكات واقفه

ولاجل الرحه والرافه ..

قعدت معاها نتكلم ..

وم الأول وهي عن الكلام صامت .. ما بتردش ..

حاولت اقنعها إن الفيلم مش صامت .. ما بتردش ..

وايه الحل في اللي انا فيه ؟!

\* \* \*

"أَقُولُ لَكَ شِعْرٌ؟"

بَاكَلَمَهَا وَوَشَى نَاحِيَةَ أَصْحَابِنَا.. بِأَشُوفِ إِلَيْهِ الَّذِي كَانَ حَاصِلًا..

وَلَسَهُ عَيُونُهُ وَسُطُ عَيُونَهَا بِتَوَاصُلٍ..

وَلَسَهُ إِيْدِيهِ فِي قَلْبِ إِيْدِيهَا بِتَوَاصُلٍ..

وَإِنَّا قَاعِدٌ بَعِيدٌ عَنْهُمْ... وَبَيْنِي وَبَيْنَهَا مِيتَ فَاصِلٌ!!

وَهَا عَمَلُ إِلَيْهِ؟! مَا فِيشَ مَوَاضِيعُ..

وَكَلَّ مَا أَشُوفُ كَلَامَ بِيضِيعٍ

وَلَمَّا أَسْأَلُ.. تَجَاوَبَنِي عَلَى قَدِ السُّؤَالِ بِالظَّبْطِ

وَإِنَّا أَتَلَخَبَطُ..

مَشْ عَارَفْ أَلَا قِي سُّؤَالِ تَجَاوَبَهُ كَمَا...



عرفت الإسم والعنوان..

عرفت المهنة والكلية واصحابها اللي كانوا زمان...

وعُقدتها مع العربي..

وكانت علمي مش أدبي

ومن ذوقي.. ومن أدبي..

مانيش عايزه يكون تحقيق..

أنا عايزه كلام موصول ما بيننا.. من صديق لصديق..

ساعتها القَعْدَه تَشْرِخُ قلبها وقلبي..

ولو يعني ماهيش طابقاني.. ليه في الأصل جت جنني؟!

\* \* \*

"أَقُولُ لَكَ شَعْرٌ؟"

ما فيش غيرُه..

ولو قعدتنا هتطول.. ما فيش غيرُه..

ولو هنعيدها م الأول.. ما فيش غيرُه..

قالت لي بإيدها: "سمّعي"

كما لو كنت أنا يعني..

غريق تايه.. وهيه القشه... من غيرها هابات مقتول..

وفي الآخر.. بدأت أقول..

عن الأمل اللي تاه ما رجّش من خوفي..

عن الحب اللي كان وانشقّ بطروفي..

وفجأه.. لقيتها لفت لي.. وبصت لي..

وحسيت الأمل بيعود..

وأول مره بالبح لون عينيها السود..

وانا موعود وقلبي بالعيون السود..

ما نقدر مره نحكمها..

ومن يومها..

وانا قاعد معاها هناك..

وباسرح جوا نن العين..

وصاحبي ويا صاحبها.. قريب متنا قاعدين

عيوني مركب اتطوح في بحر عينيها بيعافر..

وحالف إنه راح یوصل.. ولو طول الحیاہ سافر..

وبحر عینہا - من حظہ - مالوش مرسى..

مالوش آخر..

یقرب منها تتاخر..

واشوف صاحبي یلمحنا بطرف عینہ

ویهمس لیها بالراحہ:

"أَقُولُ لَكَ شَعْرٌ؟"

\* \* \*

## حَقِّی وَحَقِّكَ

## حقك وحقك

كان زمان... الحلم كان واحد في قلبي... إني احبك...

وأما حبيتك... بقى الحلم اللي عندي ازاي احبك...

دأب خلاص الحب فينا...

وابتدينا.. يبقى لينا.. فوق بحور الشوق سفينه..

بس لازم لاجل ما نكمل طريقنا تبقي عارفه...

إن نار الحب دائماً عايشه خايفه...

واللي هيخليها تطمئن وتكبر... لو ترقى

وتعرفي حقك... وحقى...

تعرفي إيه يبقى حقك؟

حقك إني ابقى لعيونك ألف حارس...

---

مستأنس لحييني  
وابقى وقت الحب عاشق... وابقى وقت الشده فارس...

واعملك جدول مذكوره زي أطفال المدارس...

وانني احس القلب فاضي... مهما شال من شوق وجاب لك...

واجري والأشواق بتسبقني... عشان اوصل بسرعه.. بسرعه

قبلك...

حقك ان الدمع يفرح.. ينتشي.. يسكر.. يدوخ..

ينزل بسرعه لما اقابلك...

حقك اني انطق: "باحبك" كل ثانيه...

وارسمك في القلب دنيا... دنيا ثانيه...

أبقى انا بالحب سورها...

وانتي تبقي هناك قمرها...

وانتي نورها... وانتي نارها...

والنجوم ساجحه ف مدارها...

وانتي أحلامها وجمالها...

وانتي وديانها وجبالها...

والكبار فيها وُعِيالها...

دنيا فيها تكويني وحدك... يبقى ماها؟

حقك اني اكتب في رمش العين قصايد...

وف سواد العين قصايد...

وف جمال الروح قصايد...



حقك اني استنى قلبك

يوم.. يومين.. شهرين... سنه... للعمر كله...

واني اشيل من شوقنا شو كنا... وتاخدي بس الشوق وفله...

حقك ان القلب ينطق: "أحلى شيء في الحب ذله"...

حقك اني ابقى لك البحر الحنين...

وابقى لو شديتي هادي... وابقى لو هديتي لين...

حتى لو مره اتعابتنا... في العتاب تلقيني هين...

وادفن الجرح كياني... مهما كان في غنيّه بين

حقك اني اعمل لك انتي... كرسي فوق الشمس...

واعمل بينكو طاقه...

لما نور الشمس يضعف... نورك انتي يجيب له طاقه...

حقك اني افقل ببيانك عن قلوب الخلق...

وادخل لك بقلبي يكون بطاقه...

حقك اني اسمع واسامح... حقك اني ازعل واصالح...

وان قلبي يكون ديوان مُلْكِك...

ما يدخلهوش في مرّه... وبأوامرِك... إلّا أصحاب المصالح...

حقك اني اهزم ظروفيك...

حقك اني امنع خسوفك... واني اشيل بالحب خوفك...

أما حقي يا حبيبي.....

حقي إني.....

.....إني أشوفك...!!!

\* \* \*



استحکامی

## استحملي

استحملي..

جائي لك مع الفجر اللي راجع مهما موج بحرك علي..

لا يهمني.. بعد السفر..

ولا حتى سورك والغفر..

ولا خندق اليأس اللي يأيديكي اتحفر..

هائدة واقول لك: يا حبيبي..

أسمع غناكي وتنزلي..

استحملي..

فاضل مافيش..

لازم يصبرنا الأمل..

وماتسألش إيه اللي ممكن يتعمل..

دا البدر عايش في السما بيصبر لحد ما يكتمل..

الحلم قرّب.. قرّبي..

مدّي إيديكي وجوّي..

وماتيسّيش م الحبّ.. لما بيتولد ويعيش عفيف..

واطمني.. أنا مش ضعيف..

ومانيش جبان.. لكن بابان طيّب قوي..

وباحبّ اكون أبسط من الناس كلها...

لكن في نفسي باكون قوي

لا الدنيا تكسر قلبي يوم... ولا حدّ فيها يهزّني..

طبع السنابل يا حبيبي يشدّني..

لو فاضيه... ترفع راسها فوق..

لو فيها حبّ... بتنحني!!

استحملي..

أنا وانتي ورده ف أحلى جتّه غيرها واصل للسما..

لو يوم قسمت الورده... لازم كل نص-هيترمي

دا انا قلبي فوق كفك غما

زهر.. وكل زهوره قاعدالك تغني..

ازاي تعيشي ف لحظة وانتي بعيدة عني؟!

طب جري... طب جري...



ازاي يعيش قلبك ثواني ماكونش فيه؟

ازاي تقومي الصبح مابقاش حلم عايش بتشوفيه؟

ازاي عينيكي تشوف بشر...

مايكونش وشي ف أي واحد تلمحه؟!

أنا نن عينك.. يبقى بس ازاي عيونك يجرحوا؟!

ازاي تغني وتلعي.. وف قلبي غودك.. ملعبك؟!

ازاي تذاكري.. ماتنحتيش إسمي ف قلوب على مكتبك؟!

ازاي هتمشي ماتحلميش

إنك تقابليني في أقرب منحنى؟!

ازاي تنامي وتحلمي بفارس يجيلك ع الحصان

وان يوم قدرتي على الفراق .. هتكملّي؟

استحملّي..

دمعك كتر..

حتى اّما اشوف ضحكك .. بتنزل دمعته تايهه بتعذر..

دمعك طريقي للكسل..

دانا لما اشوف دمعته ف عيونك نسج قلبي يبتسل...

ويبتسل...

من دمع عينك ... والخبجل!!

ضحكه ف عيونك ... أبتدي بيها اللي جي...

بسمه شفايفك ... قلبي يفضل بيها حي...

خليكي جنبي.. نخلي كل الدنيا ضي...

واستحملي..

لكن.. يا نبض النبض فيّه.. وحلم عمري وفرحته

لو يوم رماكي اليأس في أيدين الملل...

ونده خلاص قلبك عليكى بدون أمل...

هاقي الرسائل.. والهدايا.. والصور..

بصبي بخيالك ع اللي فات.. والذكريات..

افتكري ضحكة قلبنا ف يوم اللقا..

افتكري دمة قلبنا ف يوم الشقا..

افتكري كل شريط حياتنا وحبنا..

انسي حبيب ضيقتي قلبه بدون سبب..

كان كل ذنبه... إنه قال لك لما شاف قلبك تعب:

"استحملي..."

جاي لك مع الفجر اللي راجع

... مهما موج بحرك علي"

\* \* \*

## اختلاف

## اختلاف

من يوم ما قلبك نَدَه

وانا قلبي بِنَعَاكُسُهُ

دايب في حُبِّه أئما

دائماً يكون عَكْسُهُ

مش هاو صفك بالقمر

أصل انتو مختلفين

نورك طبعي.. أئما

نور القمر... عَاكُسُهُ!!

\* \* \*

## عَايِزْ أَعْرِفْ

## عايز أعرف

عايز أعرف..

لسّه عارفني؟

لسّه ملاحظ لما باشوفك رعشة جفني؟

زيّ ما شايفك جوا ف قلبي... لسّه شايفني؟

\* \* \*

آه لو تعرف.. بس شعوري ف بُعدك عنّي..

وانت الأدرى و عارف إنك ليّا يا عمري أقرب منّي..

قاعد وسط العالم باضحك من غير روح..

وارقص زيّ ما يرقص طير مجروح مدبوح..



واكتم جرح البُعد ف قلبي..

زيّ ما عنّي تُداري كسوفك..

نفسي تمرّ وعيني تُشوفك..

نفسي أكسر خوفي وخوفك..

\* \* \*

عارف إن طريقنا يا عمري لسه طويل..

حاسس خوفك..

بسّ اعذري.. حملي ثقيل..

دائماً باغلط.. وانطق إسمك وسط الناس..

بسّ باحاول أكتم حيي..

ودمعة عيني بتفضح قلبي..

\* \* \*

عايز أعرف..

ليه مع صورتك دائماً لازم تيجي دموعي!

ليه مشتاق اعلن لك دائماً كل خضوعي..

ليه انا حاسس عمرنا يوم ما هنبقى لبعض!

ليه دنيتنا سماها غيوم مع برق ورعد!

عايزك جنبي.. عايزك جنبي..

عايزك تعرف إن دا ذنب الكون مش ذنبي..

طَبِّ لِيه لَمَّا بَاشُوفُكْ .. اَشُوفُكْ تَضْحَكْ دَايَمًا؟!

برضه انت بتضحك على نفسك

وَلَا بتضحك يوم من نفسك؟

نَفْسِي أَمْتَعِ إِسْمِي بِصَوْتِكَ ..

نَفْسِي أَكْسَرُ صَخْرَ سَكُوتِكَ ..

فَكَّرْ قَيَّا وَلَوْ فِي ذَقِيقَه ..

حَاوَلْ تَفْهَم ..

إِنْ هَوَايَا يَا عَمْرِي حَقِيقَه ..

وَعِشَانْ كَدَه مَحْتَاجِ الرَّد ..

وَاوَعِي يَكُونْ مِرْسَالِكْ حَدَّ ..

حاول تيحي..

حاول تيحي ثشوف وثشرف..

عايز منك رد بسيط..

عايز أعرف...

\* \* \*

لا یا بنتی...

## لا يا بنتي...

عنكبوت الحبّ لو عَشَّشَ في عَشِّكَ .. اقطعيه  
أو سحاب العشق لو بان يوم في وشِّكَ .. امسحيه  
قبل ما يمْطَر هوى .. وتدوي فيه  
اخلصي من حلم روحك  
واكوي بالنسيان جروحك  
واوعي لو مرّه يقولوا لك  
تُني بيتك طوبه حبّ وطوبه عشق وتبقى جنّه  
فين تلاقي لبيتك المزعوم دا بتّا؟!  
حتى لو مفتاحه ساكن حُضن إيدك..

والأمل راح واندفن جَوْاً فْ وريدك؟!

مين هيخسر غيرك انتي؟

لا يا بنتي...

\* \* \*

ابعدني عن كلمة الحبّ السخيفه

واحذني كلمة "باحبك" من قاموسك.. حتى لو كانت شريفه

خرّجي من قلب عقلك "قيس وليلى" و"قيس ولبنى"...

ياما قبلك شفتنا حبّ وشفتنا عشق وليل وسُهد وياما دُبنا

وياما قبلك كنّا بنرصّ المصاحف

إننا هنصون هوانا اللي ف قلوبنا

وإيه اللي نابنا؟

نُهنّا في المشوار وخذنا اللي ما كان عمره ف حسابنا

لو هتقري...

اقري قصّة كلّ من حبّ وماطالشي

وياما غيرهم

صأبه جرح الحبّ والفرقة وماقالشي

وَصَدَّقْنِي.. لو تكابري..

بُكره راح يكبر سؤالك:

"ليه لعهد الحبّ صنتي؟!"



\* \* \*

المجال دا مش مجالك  
والتمن فوق احتمالك  
واوعي تفتكري العذاب اللي ف ضلوعك  
ليكي وحدك بس جالك  
ياما جالي وياما جالهم  
حالنا كان يوم زي حالك  
كلنا ركبنا السفينه ف بحر موجه كبير بيعلا

يعني لازم تركبي وتجربي؟

ما الشطّ أحلى

اشربي من نبع عقلك

كاس عذاب القلب مُرّه

مش هاطول واسمعيها

كلمه واحده وانتي حرّه

جيتي تشكي وتسمعي ف امرّك نصيحتي

لا يا بنتي...

\* \* \*

أَهْلِي مَا فِيكَ

## أحلى ما فيك

أحلى ما فيك..

إنك بتخسّسني بعطفك..

إنّي ملكت في لحظه عواطفك..

وانّ رضاي عليك يكفيك..

أحلى ما فيك..

إنك لما تكون بتقاسي..

رغم الجرح بتعمل ناسي

وتخضن قلبي ما بين كفيك..

أحلى ما فيك...

\* \* \*

كنت زمان..

بأتمنى أشوفك..

واكسر خوفك..

وارسم فرحه لعمري الجاي

وأما الحلم خلاص اتحقق..

قلبي ما صدق..

بس هيوصف حُبّه أزاى؟!

باعشق كل الدنيا عشائك لو حُبّتها..

وانسى الدنيا ف لحظة لو انت ف مرّه نسيته..

لو قواني..

قلبي يموت لو مرّه نسيته..

لو تنساني..

يبقى كفايه انّ انا حبيبتك

وانّ الفرحه تكون في غيبك...

... أحلى ما فيك...

\* \* \*

## کفایہ جراح

## كفایه جراح

یا حیبتی...

قصدي یا اللي فهمت يوم إنك حیبتی!!!

عامله إيه؟!

رغم إن الغدر ساكن حزن قلبك.. لازم اطمئن علیه..

قلبي صابه البعد لكن.. غصب عتي..

لسه داء الضعف فيه..

هوّ دا القلب اللي سبتيه ويا ناره..

هوّ دا القلب اللي كان بعدك مراره..

واللي تاه مشواره بعدك.. وانطفأ في الحلم ضيه..

واللي مش هتلاقي عمرك قلب زيه..



قلب لما احتاج يفضفض بعد غدرك..

ما ابتدأش بـ "ازاي؟" و "ليه؟" ..

ابتدا الأول وقال لك:

"عامله إيه؟!"

\* \* \*

قلب عارفاه من بدايته..

فاتح الباب للي فاتته..

قلب بانياه الجراح..

بس مسكون بالراح..

يفتحه لكل الخلايق.. حتى لو منهم نهايته..

حي ليكي.. كان طبيعه ف قلبي مش إحساس جديد..

حي ليكي.. شيء لاقيته ببصمته.. جوّه الوريد..

حب علمتيني اصونه..

وعد صمّناه يايدنا.. وقلنا يبقى الصدق لونه..

عمري ما اتصوّرت قلبك يكسر الوعد اللي بيننا..

واللي صنته ف يوم يخونه..

كنت خايف -من بداية القصة- من آخر قصوها..

هل هتبعنا الظروف؟!

هل هيفضل حبنا مسجون بخوف؟!

هل بعادنا يكون نصينا

ولّا هيفضل يسينا؟

كل مشهد في النهايه.. ياما جرّته ف خيالي.. وياما خفته..

إلاّ غدرك... عمري في الفهرس ما شفته!

خليتي ائده على قلوب الخلايق..

غصب عني.. ومالتقيش..

كله بيقول: "انسى نارها.. والسعاده الحلوه عيشها..

وماتقاسيش.."

مش مهم القى السعاده..

الأهم ازاي اعيش..!!

\* \* \*

قصدي يا اللي فهمت يوم إنك حبيبي!!!

كان زمان... كنت باقنى ابي اشوفك يوم في حلمي..

كنت افكر فيكي دائماً قبل نومي..

كنت باخلع ويا صورتك ليل همومي..

كنت اشوفك كل يوم الصبح، لكن..

جوه ليل الوحده من غيرك.. بالاقى الكون ما فيش..

كنت باسأل صورتك الحلوة تجيني.. ما بتجيش..

والنهارده.. بالتقي صورتك ليلاي..

جايه ماده الايد بدمعك..

عقلي يرفض.. بس يصرخ قلبي: هاتي..

تشرحني.. واشتاق لك اكثر..

وامسح الدمعه اللي نازله.. وضحكتي في الحلم تكبر..

رغم إنك بعتي قلبي.. ووضاع خلاص مستقبله..

بس عُذْرُكَ كُنت دايماً باقبله..

غصب عني.. كنت بافرش رمشي تاني جوّه حلمي..

واحلم اّلك يوم تعدّي..

واصحا من نومي والاقبي.. دمعتك كات حارقه خدّي

وامّا باصحا.. كنت افكّر..

لو هتيحي بجدّ.. إيه هيكون جوابي؟!

هل هاثور وانصر كرامتي...

ولا يبقى الرد صمتي...

ولا إيه؟!

والحاجات الحلوه بيننا.. بس هانساهم بإيه؟!

غنوتينك... اللي حبيتهم عشانك..

شارع الشوق اللي ياما مشيته لاجل اوصل مكانك

اسمي ويأ اسمك على القلب اللي في النخله البعيده

فرحتك دائماً بخطي.. وساعة الإيد الجديده..

والنهارده..

عقلي مدّ الإيد في قلبي وطلع النخله وقلعها..

حتى أحلامي اللي ضاعت.. بالخساره لغيري باعها

حتى ساعة الإيد خلعها..

وَبِرْضِه بَاشْتَاق لَكَ زِيَادَه..

لِيهِ عَمَلْتِي الْقَلْب رَاهِب... وَانْتِي مَش قَدْ الْعِبَادَه؟!

خَلَيْتْنِي الصَّبَح افْكِر..

خَلَيْتْنِي ف نومي افْكِر..

وَإِوَهَم الْقَلْب الّلي حَبَكَ إِنِّي هَانَسِي..

وَلِلْأَسَف... بَاشْتَاق لَكَ أَكْثَر!!!

\* \* \*

يَا حَيِّيتِي...

قَصْدِي يَا الّلي فَهَمْتُ يَوْمَ إِنَّكَ حَيِّيتِي!!!

فَاكْرَه لَمَّا كَثِير سَأَلْتِي: لِيهِ بِاقُول كُل الْأَسْمَاءِ إِلَّا إِسْمَكَ؟

كنت حاسس إن إسمك.. فوق ما يتحمّل لساني..

كنت حاسس إن إسمك لو نطقته لو حدي..

أكون إنسان أنا..

وانتي عارفه.. إني مش إنسان أنا..

كنت حاسس إن إسمك مش حروف..

كنت حاسس إنه درعي لو هتقتلني الظروف

إسمك انتي..

بانطقه دلوقتي عادي..

واحفظه دلوقتي عادي..

زي أسماء اللي قبلك..



واللی بعدک ..

واللی عاشقینی الساعادی ..

صدّقی .. لو ھتیجی فِ یوم لقلی ..

مستحیل لو یتفتح ..

یبقی ایہ شکل القصیدہ .. لو خیانتک مفتتح؟!

کنتی دایماً بتقولی لی:

"لو ھتطلب منّی حاجہ .. قول ..

ما تطلبش السماح" ..

والنھاردہ ..

جای باترجّا کی بسّ فِ کلمتین:

يا حبيبي..

إنّني عارفه أنّك خدعتي..

وانّني عارفه أنّك جرحتي..

كفّري عن ذنب قلبك..

وابعدي عن قلبي حبّك..

لو سمحتي...

\* \* \*

## ناقص دبدوب

## نَاقِصٌ دَبْدُوبٌ

نَاقِصٌ دَبْدُوبٌ..

فَتَشَتْ كَثِيرَ هَدَايَايَ الرَّاجِعِ وَمَالِقِيتهُوشِ!!!

دَوَّرَتْ فِ كُلِّ هَدِيَّهٍ كَثِيرَ بِالطَّوْلِ وَالْعَرْضِ..

وَقَلَّبَتْ الشَّنْطَهَ كَمَا نَ عِ الْأَرْضِ..

وَلَقِيَتْ دَبْلَهَ وَجَوَابَاتِ وَكُرُوتِ وَجَنِيهِ مَقْسُومِ وَصُورِ وَقُلُوبِ..

لَكِنْ بَرَضُهُ..

نَاقِصٌ دَبْدُوبٌ!!

كُلَّ اللَّيْلِ فِ قَلْبِ الشَّنْطَهَ مَعَايَا يَسْتَنْظِرُ..

وَبَجْدَ الشَّنْطَهَ بَدُونِ دَبْدُوبٍ.. مَا لَهَا شِ مَنْظَرٌ!!

كُلَّ الْجَوَابَاتِ مُمْكِنَ يَكْتُبُهَا حَبِيبٌ غَيْرِي..

سَنَالِ حَيَاتِي  
والدبله خلاص موضوعها اتشال من تفكيري..

والباقي حاجات بتكون دائماً بين أيّ اتنين.. وبتكرّر..

وفُ شنطة كل حبيب وحبيبه.. هتلقِي حاجات منهم واكثر..

وهتلقِي شموع ودموع وفرح وأمل ساكن..

ممکن... لكنْ...!!

مش كل حبيب بيحب دبدوب!!

\* \* \*

وازّاي انساه...!؟

وانا كل أيامي الحلوه معاكي معاه..

أيام ما عشقتك.. قبل ما أقول

وايام ما حَلَمْتُكَ.. قبل ما اطول..

وايام وايام بتفتوت على طول..

وانا وانتي بنيني ف كل دقيقه جنيّة حبّ وشوق وأمل..

وانا قلبي الديب.. على إيدك والله لَقِيْتُهُ حَمَلٌ..

كنت اَمّا ازعل..

ألاقيكي بتجري على الدبدوب.. لاجل يُصالحك..

وف أحزانك..

بِيمَدَ إيديه علشان يمسح دَمْعَة جرحك..

وف فرحك.. كان من فرحه يُطير..

دا انا كنت باغير...

لَمّا اعرف إنه امبارح كان بين دراعينك..

وباحسّ ساعات وكأنه حرس بيني وبينك..

واتخيل إنه ساعتها خلاص قَرَبَ مِنْكَ..

وغنيكي عليه..

وأديكي عليه..

أجري واطلّع صورتك واندّه:

والله يا روحي أنا اللي شاربه..

وسنين بتفوت..

وقلوب بتدوب..

وف لحظة خلاص..

يخدعنا كلام.. وتموت أحلام..

ويضيع دبدوب!!

\* \* \*

فاكراه...

ولاً انتي خلاص ناسياه.. مع كل زماي اللي عشقته..؟

طب فاكراه انا امتي زمان جبته؟

كان أول يوم انطقها "باحبك" قدامك..

وأبصّ ف عينك... قدامك...

كات أول مره ادخل في غنيكي بدون ما اخجل..

سلمت كتير على كل رموشك ع المدخل..

وف لحظه لقيتني ف قلب غنيكي.. بدون صاحب..



وجناين مالیه ربوع عينك... مالهش صاحب!

وساعات بامشيها.. وحاسس إني خلاص مجنون!

من كُتر المشي..

نسيت ان انا أصلاً في عُيون!!

ولقيتني فَنَ غينيكِ خلاص بعد المشوار..

ولقيت لي فَنَ غينيكِ جناين فُلَّ.. ودار..

ومشاعر حُبَّ وشوق وحنين وحنان جارفة..

عارفه...؟

مع إنَّ غينيكِ ماهيش خَضُرًا..

الدنيا تملِّي فَنَ غينيكِ تبان خَضُرًا!!

مليانه أمل بتحاوطه الأحلام والخضرة..

وانا كل ما انا.. قلبي الحيران بيلوم رمشي..

واما اتحرك.. واعمل ماشي..

بيقول لي: حرام.. لسه هتمشي؟!!

وسنين بتمر عليا ف نغنيكي السود...

وف لحظة لقيتني خلاص مطرود!

على ناصية أول رمش بعيد..

من غير دبدوب!

\* \* \*

قلبي الطيب.. مش قادر ينسى سنين فاتت...

مش قادر يرمي حكاية حبه عشان غلظه.. ويقول ماتت..

---

جايْ لك من تاي بُحلم جديد..

جايْ لك وف إيد.. أمل وحنان ولقي ومواعيد...

ومعاه.. دبله وجوابات وكروت وجنيه مقسوم وصور

وقلوب...

جايْ يقول لك:

"علشان خاطري..."

خلي الدبدوب...!!!"

\* \* \*



اسمعینی

## السمعي

السمعي...

ادخلي بحبك وعطفك ننّ عيني...

ارسمي لي الدنيا تاني...

كتر فيها الأمان...

رجعي عهد المودة

عوضي كل اللي عدّي... طمّعي...

افرشي لي الكون أمل زيّ اللي قبلك

وأما اقرب لك.....

..... بيعني!!!

## لوحة

## الهـ

أنا ماشي ف حالي

ماليش في الحب

ماليش في البُعد

ماليش في الشوق...

وبابصّ قُبالي

لا باعرف تحت

ولا اعرف فوق...

وساعات باضعف

والاقيني ف حلمي

ماعادش مايني وبين شطّه



غير ستّ بحور

فأهزّ وافوق

ماهو برضه صحيح

وهاناخذ إيه م الحبّ يا عيني

غير التجريح

والآخر...

يجري الحب ويهرب

ويّا الريح

والحال كده دائماً باستمرار

العاشق قلبه تملّي ف نار

والمجروح قايدہ ف قلبہ النار

ومرار في مرار

مثلاً أنا لو حَيَّيت... مثلاً

وبعيد الشرّ

راح اولّع م التفكير بالليل

وطبيعي الصبح هاموت م الحر

بخلاف الناس وكلام القرّ

وانا مش مضطّرّ

علشان أدخل حبّ واصونه

قلبي هينساه

ودا مش لونه

وان يوم أخلصت ف حبه كمان

إيش عرف قلبي ان حبيبه

مش هيسيه

ووعده يخونه

أنا زي ما قلت برقه وذوق

أنا ماشي ف حالي

ماليش في الحب

ماليش في البعد

ماليش في الشوق...

وبابص قُبالي

لا باعرف تحت

ولا اعر ففوق

\* \* \*

فَكَرْتُ وَقُلْتُ: هَا حَصَّنَ قَلْبِي أَزَاي مِنْهُ؟

مَا أَنَا بِرَضِهِ بِاخَافَ مِنْهُ أَكْمَنَهُ...

عَدَى عَلَى الْكَلِّ بَدُونِ مَا يَكَلِّ

وَأَنَا خَائِفٌ - لِأَجْلِ الْحِظِّ - يَمَلِّ

وَيَحِطُّ عَلَى الْقَلْبِ الْمُسْكِنِ

لَكِنْ... حَلَّتْهَا فُ ظَرْفُ يَوْمَيْنِ

علّقت على القلب الغالي

لوحة كبيره

وكتبت عليها بخطّ كبير:

"ابعد... مقفول"

علشان لو جاني يشوف اللوحه...

يروح على طول...

وعلى دا الحال

لا انا دقت الحب ف يوم أبداً...

ولا عمري هادوق...

ما انا ماشي ف حالي

ماليش في الحبّ

ماليش في البُعد

ماليش في الشوق...

وبابصّ قُبالي

لا باعرف تحت

ولا اعرِف فوق...

\* \* \*

وف يوم بصّيت

ولقيت قلبي يبصّ هناك...

وعلى الشبّاك

أنا شفت ملاك

يبصر ويتأمل فيه

وبحنيّه...

-والله وُكان غصب عتي-

بصيت لعينية

وغنيه... مش زي غيون الناس

وعليها سهاؤه الجراحة...

وانا بصراحة

طبيت في الحب ما باعرف ليه!

بصّيت للقلب...

عشان حسّيت

أني هاخونه

وَلَا زَم أَقُول لَهُ...

وَأَدَاوِي لَهُ كَرَامَتِهِ الْمَجْرُوحِ...

بصّيت

وَلَقَيْتَهُ يُحْفَرُ وَيُثَبِّتُ لَوْحَهُ...

وَنَدَهُ لِي وَقَالَ لِي:

"كُفَايَهُ... حَرَامٌ!

مَنْ غَيْرِ الْحَبِّ هَاطِقٌ وَاضِيعٌ!"



ولقيته شطب لُوْحَتِي آيَاهَا

وكتب لي عليها بخطّ بديع:

"أسفد عِ العمر الذي سرقنا

أفضل..."

... قلب فضاء للبيئة"

\* \* \*



## الشهر فاته

## الشهر فات

والشهر فات

وما عادش غير حبة دقايق

مش ساعات..

باستنى اشوفه وهو جاي

حسب المعاد..

وانا قلبي قندبل انطفى... وبغونه قاد...

باستنى اشوف يحكم يايه

على قلبي يحكم ولا ليه؟

هل يا ترى نكمل طريقنا لمنتهاه

ولا نروح ونروح من الروح الحياه؟

كان هوّ دا آخر شريط الذكريات

وانا قاعده باستناه هنا...

من شهر فات...

\* \* \*

أنا قاعده باتمنّاه يجيني يكون حبيب..

أو حتّى ييجي ولو يقول لي: "مافيش نصيب"..

بَسَّ المَحْه

واستسمحه

واحلف له لو جاني بقساوته

عمر قلبي ما يجرحه

عايزاه يجيني بحب يسقيني الهنا

عايزاه يجيني... وَلَوْ كرهني... أحبه انا

هو اللي قال نصبر ونتحمل ساعات

هاصبر لإمتي... وَمِنْ دقيقه الشهر فات؟!

\* \* \*

ولقيته جاي

وف عينه قلب بيتجرح

ماعرفتش افرح.. ولا أصبر ع الفرح

قال لي ان قصة حبنا دي مستحيله

وان احنا ممكن برضه ننسى ف يوم وليله

كان قلبي قاعد يسمعه..

ويأيده قلبي بيتحرق

طلع جوابي ورجعه...

ويأيه هينفعني الورق؟!

وماعادش فيه أمل-أني اقول له أو اسمعه

حتى السكّات.....

..... هيفيد يايه؟!

..... ما الشهر فات!!

\* \* \*





## مرسال حبیبی

## مِرْسَالُ الْحَبِيبَتِي

حَبِيبَتِي... شَرْطُهُ مَا يَلَهُ... فَرَاغٌ

وَمَا كُتِبَ لِيهِ حُرُوفُ إِسْمِكَ؟

مَا هُوَ أَنْتِي فِي قَلْبِي سَاكُنُهُ الْقَلْبُ

عَارَفَهُ بِقِصَّتِي وَحَالِي

وَمِنْ غَيْرِكَ فِي قَلْبِي اكْتُبْ لَهُ مِرْسَالِي؟

و... أَمَّا بَعْدُ...

مَا نِيشَ عَارَفَ جَوَابِي دَا جَوَابِي الْكَامَ

مَا عُدْتِشَ بِأَحْسِبِ الصَّفَحَاتِ... مَا عُدْتِشَ بِأَحْسِبِ الْأَقْلَامِ...

مَا عُدْتِشَ بِأَحْسِبِ اللَّيِّ ضَاغٍ مِنَ الْأَحْلَامِ...

كَفَايَهُ أَنِّي بِأَحْبَبُكَ بَسَّ

وَقَلْبِكَ لَوْ بِقَلْبِي حَسَّ

أَوْ شَافَ حَالَهُ فِي بَعَادِكَ

لَصَلَّى لِرُبِّهِ وَاسْتَغْفَرَ لِدَنْبِهِ... وَصَامَ...

قُولِي لِي إِزَايَ

أَحَبِّكَ حُبَّ يَرْضِيكِ؟

أَنَا تَايَهُ

وَنَفْسِي أَوْصَلَ أَرْضِيكِ...

ذَا لَوْ كَانَ الْهَوَا بِالسُّهْدِ

أَنَا سَيِّدُهُ...

وَلَوْ قُلْتِي أَنَّ حُبَّكَ صَوْمٌ

أَنَا عِيدُهُ...

وَلَوْ حُبَّكَ فِدَاهُ قَلْبِي

أَقَطَّعُ قَلْبِي مِيتَ مَرَّةٍ

وَأَقْدَمُ لَكَ عَنَاقِيدُهُ

وَيَتَقُولِي بِأَحَبِّكَ لِيهِ؟

وَهُوَ الْقَلْبُ مَتَعَذِّبُ كَدِّهِ يَأِيدُهُ؟

بِأَحَبِّكَ...

حَتَّى لَوْ بَابِ الْقُبُولِ انْسَدَّ

وَهَاتُخَيْلُ صَدَى صَوْتِي

يَبْأَخُذُ كَلِمَتِي وَيَرْجِعُ مَعَهُ الرَّدَّ

وَلَوْ قُلْتِي لِي مِيتَ مَرَّةً: "أَنَا عُمْرِي مَا حَيَّيْتُ حَدَّ"

هَاعِيدُ الْكَلِمَةِ مِيتَ مَرَّةً

دي نُقْطَةُ مِيهِ مِ الْمَطْرَةِ إِذَا فَاضَتْ...  
مِنْ سَالٍ لِحَيِّينِي

تَهْدُ السَّدَّ...

وَحَتَّى لَوْ فَارَقْتَنِي

هَاجَبَكَ فِي الْفِرَاقِ بَرُضُهُ

هَوَاكِي فِي قَلْبِي لَوْ شَفَقْتِهِ

نَوَافِلُهُ وَسُتَّتُهُ وَفَرَضُهُ

وَحُبُّكَ أَرْضُهُ، لَوْ تَنَسَّيْتُهُ

هَيِّنَسَى إِزَايَ حَنِينِ أَرْضُهُ؟

وَيَا مَا فِي نَفْسِي... يَا مَا فِي نَفْسِي...

تِيحِي لِقَلْبِي وَتُحْنِي

وَلَا زِمَ تَعْرِفِي إِنِّي

لَا أَنَا غَفِرْتُ وَلَا جَنِّي

بَاحِبُّكَ ... بَسَّ إِيْدِي أَقْصَرَ كَثِيرٌ مِنِّي

فَمَشْ هَاقْدَرُ...

أَجِيبْ لَكَ مِ الدَّهَبِ كَفَّةُ

وَأَجِيبْ لَكَ مِ الْيَاقُوتِ كَفَّةُ

وَمَشْ هَاقْدَرُ...

أَجِيبْ الْوَالِي فِي الزَّفَّةُ

وَمَشْ هَاقْدَرُ...

أَجِيبْ لَكَ بَيْتُ

يَمُوتُ الْقَطْرُ لَوْ لَفَّ فِ حِمَاهُ لَفَّةُ

كَفَايَهُ أَنِّي بَاحِبُّكَ مُوتُ

وَحُبِّي عَكْسَهُمْ... عَفَّةٌ...

وَلَوْ تَرْضِي فَعَنْدِي شَرْطٌ...

أَنَا طَبْعاً بَاحِكُ مَوْتٍ

وَلَكِنْ بَرَضُهُ لِيهِ شَرْطٌ

أَنَا عَايِزُكَ تَكُونِي فِي الْوَرِيدِ دَمُهُ

وَيَبْقِي فِي عَقْلِي أَنَا هَمُّهُ

وَيَبْقِي وَرْدُ جَوْاءِ الْقَلْبِ

غَيْرِي يَشُوفُهُ يَتَحَسَّرُ... وَلَا يَشِمُّهُ...

وَعَايِزُكَ تَفْهَمِينِي لَوْ كَلَامِي طَلَّ مِنْ رِمَشِي

وَعَايِزُ رِمَشِكَ الْجَارِحُ

صِرَاطٌ يَجْرَحُ فُؤَادَ غَيْرِي مَا يَرَحْمَشِي...

وَأَنَا أَجِيلُكَ...

أَعْدَى فَوْقَ صِرَاطِ رِمَشِكَ...

وَلَا أَخَافُشِي

وَحَتَّى لَوْ وَفَعْتَ فِ يَوْمٍ مِنَ الْخَصَّةِ

أَقَعَ فِي عَيْنِيكِ وَاثْوَضًا

وَاصْلِي رَكَعَتَيْنِ لِلَّهِ

وَأُبُوسُ نِينَ الْعَيْنَيْنِ...

وَأَمْشِي...

لَا أَنَا طَمَّاعٌ... وَلَا فِ طَبْعِي الْأَنَائِيَّةِ

بَاحِبِّكَ...



وَمَا اسْمَحَشِي لِحَدِّ يَكُونُ شَرِيكَ فِيهِ

وَقَبْلَ مَا يَخْلَصُ الْمِرْسَالُ

بَاعَتْ لَكَ مِنْ عَيْنِيهِ سُؤَالَ:

وَهُوَ الْحُبُّ كَانَ عِيَّةً؟

وَلَوْ مَرَّةً حِلِمْتُ بِضِحْكِكَ فِي التُّومِ

عَلَيْهِ تَتَحَسَّبُ غِيَّةً؟

وَفِي الْآخِرِ

بَاعَتْ لَكَ وَيَا مِرْسَالِي الْجَدِيدُ أَخْلَامَ

بَلَّاشُ تَرْمِيهَا كَالْعَادَةِ مِنْ أَعْلَى الْبُرْجِ

وِخَافٍ يَبْقَى مِرْسَالِي

فِي قَلْبِ الدُّرَجِ

جَنَائِنِ قَلْبِي رَاحَ تَفْضَلُ وَلَوْ طَالَ الْبِعَادُ

فَإْتَحَهُ...

بَاحِبُّكَ...

قُلْتُهَا بِالْكَسْرِ...

نَفْسِي اسْمَعَهَا بِالْفَتْحَةِ!!!

\* \* \*

القصيدة	الصفحة
أقول لك شعري؟	٥
حقي وحقك...	١٣
استحملي	٢١
اختلاف	٢٩
عايز أعرف...	٣١
لا يا بنتي...	٣٧
أحلي ما فيك	٤٣
كفايه جراح	٤٧
ناقص دبدوب!	٥٩
اسمعي	٦٩
لوحة	٧١
الشهر فات	٨٣
مرسال الحبيبي	٨٩

رقم الإيداع بدار الكتب ٢٠٠٥ / ٧٥٩١

الترقيم الدولي 977-5602-50-5

للتواصل مع الشاعر:

ashraf\_elbasha\_7@hotmail.com

akhafdamm@yahoo.com

012/ 4513798